

## Panel 01

### Clean Legislative Council Election 維護廉潔立法會選舉

背景：新立法會大樓

人物：爸爸、媽媽、爺爺、嫲嫲、囡囡

**Icon：** 大家好！我係廉潔選舉宣傳大使，為大家介紹《選舉（舞弊及非法行為）條例》嘅要點，希望各位都守法循規，一同維護廉潔選舉！

廉政公署選舉查詢熱線 2920 7878  
24 小時舉報貪污熱線 25 266 366

此展覽所提及的情節、姓名、名稱及地點全屬虛構，絕無任何影射意圖。如對個別情況有疑問，應參照法例原文及徵詢法律顧問的意見。

## Panel 02

登記資料      必須真確

人物：爸爸、媽媽

媽媽：老公，點解唔係用我哋屋企個地址登記嘅？

爸爸：我舊老闆正哥喺表姨住嗰區參選，我用表姨個地址登記做選民，咪可以投正哥一票囉！

媽媽：「種票」？

**Icon：** 向選舉事務主任提供虛假嘅資料，然後去投票，係犯法㗎！

千祈唔好咁做呀！

Panel 03

招致開支 須獲授權

人物：爸爸、囡囡

爸爸：我打算幫正哥個團隊印50,000 張單張做宣傳。

囡囡：阿爸，乜佢哋有授權俾你用選舉開支咩？

Icon：要幫名單制嘅候選人招致選舉開支，必須先得到名單上每位候選人嘅書面授權。你小心誤墮法網！

爸爸：仲以為我支持佢哋就得，好險！

Panel 04

支持手續 必須做足

人物：爸爸、媽媽

爸爸：老婆，你係婦女會主席，幫正哥同佢嘅團隊宣傳吓啦。

媽媽：好呀，你喺正哥佢哋嘅選舉廣告上寫：「ABC 婦女會全力支持」。

Icon：唔可以亂咁話支持㗎！一定要經過管理層或者喺全體會員大會議決通過，先至可以用 ABC 婦女會嘅名義支持候選人。否則就係犯法嘅！

爸爸（一個受驚的樣子）

媽媽：原來係咁！

Panel 05

賄選買票 法網難逃

人物：爺爺、嫲嫲、主辦旅遊單位人員

主辦單位人員：今日免費請你哋去內地旅遊，記住投吳忠誠一票！

爺爺：吓，咁咪即係賄選？

嫲嫲：會唔會俾人拉㗎？

主辦單位人員：放心啦！都唔喺香港境內，而且仲有排先到選舉日，冇問題嘅。

Icon：你錯喇，《選舉（舞弊及非法行為）條例》適用於香港境內及其他地方，無論係選舉期間、之前或之後，藉提供免費旅遊去賄選買票，授受雙方都犯法㗎！

Panel 06

請飲請食 破壞公平

人物：媽媽、囡囡

囡囡 (接通了手提電話)：吓？！主席請食飯？遲D覆你得唔得？

媽媽：阿女，有人請食飯，做咩唔去呢？

囡囡：嗰個係我專業學會嘅主席，佢好似想幫人拉票，我去唔去好呀？

Icon：藉提供飲食或娛樂去收買選票，會破壞選舉嘅公平公正，俾嘅同收嘅都會犯法㗎

Panel 07

脅迫恐嚇 實屬違法

人物：爸爸、囡囡

囡囡一個憂心樣子

囡囡：老闆要我投吳忠誠一票，如果唔係，就無人工加，兼且後果自負㗎！

爸爸：投佢一票，就有人工加，容易啦！

Icon：用脅迫手段影響選民嘅投票決定，破壞選舉公平，絕對唔可以容忍！  
囡 囡，你應該向廉政公署舉報！

囡囡：知道！

爸爸(一個錯愕樣子)：哦！